

湘綺樓全書

湘綺樓全書

湘綺樓詩第一卷

起己酉至壬子

湘潭王闓運字壬父著

擬焦仲卿妻詩一首李青照妻墓下作

并序

嘉慶十一年冬十有一月晦日湖北傭人李青照妻
爲主逼逃復遇欺凌攜子赴湘而歿夫亦自經經墓
讀碑作詩云介

雙鳧不能飛十步兩連翩張氏有好女辭家來李門頭
上青絲髮纖纖兩頭盤約略蛾子眉參差掠鬢鬕雙耳
若連璧荷葉承珠環紅白左右靨不用粉與朱斜肩若
坐玉回腰帶輕襦縈手出廣裋青繡緣領裾單繡蹙金

線雙繡雲中葉行纏約春羅二寸稍有餘瑣細作微步
盈盈若波流不言共知美誰能不稱姝妾是貧家婦貧
婦無華妝脫我嫁時衣著我青絹裳上機織縑縈中廚
治羹湯里鄰謂新婦新婦固不同東家言佼好西家言
賢良朝烹穀作糜夕持絮作衣無衣常苦寒無穀常苦
飢朝持絮作衣夕采葵爲羹無衣猶可寒無食難爲生
我有纖纖手可以任縫紉東鄰貴家女十指不拈線持
我手中巧作我家中飯昨日東鄰言主君遠游宦便可
與同行莫令此事散雞鳴外欲曙夫婦嚴裝辦還歸辭
父母出門別親黨今當雲南去雲南天一方主君作高

官不與州縣同裁冠青金石雲鴈繡當胸高檣曳長旗
圓繖兩檐紅船頭鳴雙鉦從岸到江中隨人四五十行
作鳬鴈翔引婦入拜見主君大歎美平生實未見舉止
自生光舟中何所爲旦莫無期程低頭向江水道路迴
且長朝辭金口公莫至赤壁山不聞鄰人語但聽鼓吹
喧莫發石頭驛早至洞庭湖不聞夫婿言但聽主君呼
主君呼婦前甯可相順從珊瑚爲卿枕瑋瑋爲卿牀婦
謝主君言賤妾甘困窮況乃事夫久大義不再更主君
大拊掌眞復違我旨汝是貧賤人復言何道理昨日爲
人奴今日在官傍何不早作計汝何不自量我有玉耳

環夾金如意簪玲瓏翠戒指手釧珍珠嵌百褶金繡裙
四合杭絲衫婢妾六七十不得挂眼角吾今但告汝此
事非大錯斑鳩共成對不能愛孤鸞妾是愚賤婦不堪
賢主君私語向夫壻轉身自摧藏與君早作計昨日主
君語茲事不可長行行十餘日遠望長沙城鐵纜下中
流云須數日停江湘南北間回首自悽皇及茲背同伴
形勢已蒼黃空川復昏暗月黑夜未央偕行出怱怱
怱遺橐囊謂卿暫待此吾當復暫往蛩距一分棹奔走
不成行夜鴉聞啞啞嚴霜墮道旁船上鐙燭光岸上行
人多風寒天欲明旁皇將奈何莫爲異鄉婦舉首迷東

西觀者不轉眼問者來相欺雞鳴五更盡是時其夫來
不知期何所心怯形復癡偃偃至明發各各成驚疑城
邊惡少年三五生崎嶇詭言其夫至象掃作要期給婦
更渡湘四人於小舟謂婦汝無然孤身欲何爲潛行苦
多畏聞此心膽壯激我義烈情吐我心鬱快長號嘯向
天哽咽涕盈眶舉手謝夫子相見待泉壤昔年爲君婦
著我青絹裳入門無衣食出門別親郤悠悠作死別初
意妾未防妾今事當死妾死君獨生死者不可再生者
壽命長懷中一尺兒抱頸相向嘯不得從夫去但可隨
母旁舟邊一尺波烈婦命長終是日大風雨青天爲不

陽青照得聞此沈痛割肝腸鳴冤赴縣門報縣捕奸凶
縣令何忽忙車馬如趨風三八爲衙日盈盈公府中伺
候長官事例不問詞訟餘官十餘員云在發審廳首縣
請刺員幫審挂虛名民命小小事況乃異鄉客誰能聽
其詳微賤無所爲裴回出城東還歸衣食難無家又無
容黃泉有良會母子相追從偃偃人初定悽悽鬼相迎
吞聲顧樹下自挂南枝南使君聞此事頗耳不能言長
官聞此事將須共言難縣令聞此事忸怩無容顏平生
丁明府今日見此冤還歸坐堂上朱籤出縣門但捉岸
上兒不上使君船煌煌大清律首從並梟竿父老聞此

事歎息告家人昔爲役人婦今爲禮部旌城中羨其風
城外造其塋仰瞻天心閣合葬醴陵坡南坡秋草長墓
上青松垂子規過之嘯秋去春復深生是連枝木死是
雙飛禽雙禽將一雛朝莫自嚙嚙顧視世間人人人心故
不同悠悠四十載冢上有新封綱紀貴賤人作詩誦清
風

戴祠館中夜起作

夜中不能寐落月上屋楹秋蟲知我興繞舍似爭鳴天
機使之然焉能悶其聲絳華向搖落天地復肅清羣動
盡息響況爾瑣細情達士惜窮居觀時安所營

城上月夜

浮煙暗一城孤月四邊明
漁火動多影湘流靜有聲
風高寒望眼漏永逼秋情
危磴荒池外時清草自生

雨霽

百鳥愛晨光春聲度畫堂
日華承檻薄波影泛墀涼
芳草看看綠初花窈窕香
離情未應歇當鏡且愁妝

湘上

客意已在水遙舟送清暉
殘雲藉落日隔岸明我衣
平疇上餘青暝色合眾微
煙態如悅人謁謁還自歸
長謠慙所歡涉江當爲誰

清秋靜萬木白露旣濡浹戎葵怯霜花伶俜伴寒蜨愁
心寄遙林暮色藏荒堞西風吹我夢夢爲江上葉漁燈
照隔浦欲渡不可涉流波有安瀾吾將任行楫

贈彭嘉玉

寒蟬翳東林蟋蟀鳴西堂微生有常棲畸士獨無鄉秋
河泛桃梗故里如他方閉戶心幽憂涼獨眾所忘余念
子孤居中夾自旁皇荒園秋艸多窮巷阻車行譬彼猗
蘭花空谷有孤芳豈不憺寥落神全何所傷

寄資欽亮

北風吹驚塵朝夕無停飛寒蟲旣息音歲御不我回始

言集卷一
悟同袍子遠駕去莫追嚴冬各有家行者獨何歸人生
非艸木凋落意不肥木落當復榮日月逝以馳褰裳陟
高山道遠與子違感彼孤鴻征霜雪更相摧遺音若可
尋萬里慰孤羈

述懷

初夏猶淡秋微雨颯然至清風吹明燭短夜不能寐
徘徊起行游誰能導余意意思從中來驟若奔萬騎我心
信慷慨萬籟轉相慰

步出南郭門落日風蕭蕭陳人既寂寂白楊亦寥寥北
冢互相乘萬歲同一朝富貴固有窮貧賤已復消達士

無馳驅安能羨松喬長年豈余樂時逝不可招雲中有
鳴鶴其翼曰扶搖一舉青冥上縱心曩且遼
勁羽鳴北風鏃騎出西邊王恢旣失律李陵更不還元
戎降貴戚旗旄眾翩翩叱咤動萬人見敵乃遷延曾聞
聖武略廟算期十全雖非介冑士按劒望三邊魯連徒
硜硜蹈海託空言
孤雲有時飛靜者豈無心空堂望萼樹獨坐且沈吟三
英不我期大道誰復任禮樂塞衰流楚士別貞淫晤言
將何訴江水澹湛湛日極千里道藐然涕霑襟
妾薄命爲楊知縣妾周氏作

周爲長妾謀死知縣匿之巡撫助楊按察發其事僅
而得直城中洵洵歡動萬人余年十三明季始爲之

詩

妾家本住巫山陽娥娥玉顏明月光青袍公子買年少
攜妾來游湘水旁朱門青樓日歌舞風窗夜開黃鸝語
繡簾淡坐長白顰玉牀卷衣還獨處世人重色不貴心
莫持堅重比南金眼前清濁同涇渭胸中參錯作商參
幽房風多日光濕寸心始願從今戢殘形毀兒羞見君
牕中魂歸暗中泣二月寒花滿路塵百季紅粉葬青春
不信從來妾薄命請問悽悽行路人

石泥塘是高曾舊居道光卅季闔運入縣學始詣宅訪
諸父兄弟宗門衰弱多不能自存者耳目聞見爲此
篇

北風吹雨山漚漚遠樹空濛凍雲跼泥溪躑躅不得前
暫避茅檐轉愁急我來投宿無所投荒村寥落經溪秋
此鄉先氏舊卜宅良田華屋皆虛北聞道朱樓盛東陌
當時臺榭生顏色私家休養逢盛世天下無兵有耕織
豈知賤穀貴金銀今日萬錢三十石我尋遺迹無百季
茅茨倒塌雙門偏其中男婦坐叢襍數日已見廚無煙
飢驅一飯忍更累且沽市酒郵亭眠芒鞋丈人於我厚

遺我四百青銅錢此皆經歲積儲得受不設卻心茫然
以茲感激動嗟喟滿目荒山極愁思道旁衰病頭白翁
強說南巡盛時事吾宗衰薄蓋有由撫時感事增煩慙
頻季水潦蕩荒土溝壑凍餒無人收夫夷兵革門未息
潯梧夜鬼聲啾啾天心元氣頗蕭瑟慎須醞釀調燮謀
悲吟苦意不能道莫色蒼茫生遠愁

怨詩代彭笛先婦靳

璿房有靜女幽獨守貞堅良媒結蘭金遂爲君子妍本
性亮不移微釁遂相捐懷情不自理被謫若北山妾身
何足論所惜君德愆同居異楚越欲去豈敢言明月照

羅幃空影獨嬋娟一彈清商瑟陵亂五十弦

愁霖六章

皇靈信難諶人道有幽顯往咎遘淫霖洪流被原巘遵
渚無安鴻高墉拾枯蜺川塗浸數州湘東幸孤免孤免
非所安忝竊亦已多比來降泝潦坐歎徒咨嗟常恐洊
灾行農女失其家顧此卑濕區國小將如何余嬰采薪
慙獨居就疲荼寒風忽中人夏枕詫栗烈毋乃調燮乖
披裘匪吾節朝起常晦冥門巷斷行轍行轍久絕蹤苔
茸上縣榻蠨蛸罥長絲鼠迹亂几踏念我故人遠自咎
同酬荅世故各有營今離固難合離合會有時世故乃